

Tyap - Sangbap Alyiat Agwaza - Salvation Scriptures

Afisawa 2:2 Nyi ni khwi əkətuk nyiə swanta wuni mənang ákum ániet swanta ka əni. Nyi sị khwi Ałanyeang kə yet əgwam ákətuk ntswá bə nyiə tyok mị kyai tswazwa hu əni. Kikya yet əkətuk ntswa jí ni nyiə ntəm mị nfwuo ániet bə lak khwi Agwaza əni.

Matyu 6:10 Tyok ang hu ku bai. Á nyiə kyang hu a chat əni mị swanta hu, mənang á nyiə nhu tswazwa ka əni.

Luka 22:42 “Atyiə nung wu, n naai ang, ka a shim; məsəkut tịn əakashyi swuo əbung wuni, a ghwon nung. Amgbəm məng ənia, n chat a nyiə kyang ku myim ang wa əni, sị nung hwa a na nyiə bah.”

Yoona 16:7-9 Awot, n shei nyin əchuchuk; kə n ghwon nyin, ku na yet nyin əsham zám. Mat, kị n nkət n sị ghwon nyin bah, Atyu Beang wu na bai də əvwuo nyin bah. Huhwa mbyiə, kə n nkət, n na ntəm məng ənyin guu. 8 Jen ji nang Atyu Beang wu na mbai əni, ə na tak ániet mị swanta ba nang ədədam mba wu ngyet bah; tazwa əkətuk nyiə, məng tsotswat, mbeang shiriya. 9 “Atyu Beang na tyiet mba nang ədədam mba wu tazwa əkətuk nyiə ngyet bah. Mat bə lak nwuak fwuo də nung.

2 Timoti 2:10 Huhwa mbyiə, n gbang əlyiə məng kuzang kyang dənian ániet khwi nang Agwaza khai əni, nang mba meang na shyə swuan sang sangbəp nang á shyat neet də əvwuo Yesu Kristi əni, bə bu shyə əkyenkyai shi nggu wu ə nwai tyiai əni.

ARomawa 15:20,21 Kyang nang n ku ntyiə ázanson n na nyiə əni, huhwa yet; n shei Asham Nkhang Yesu ka də əvwuo ániet bə kə nwai fək nkhang əlyoot Kristi na əni. Mat n ku nchat n kpaat sot ániet khwi də əvwuo nang ághyang ániet kən kpaat əni bah. 21 Sị huni bai chəchaat mənang Alyiat Agwaza na nhya əni, nyiə, “Ániet ba nang á kən bwuo mba nkhang nggu na əni bah, bə na li. Awot ániet ba bə kən mak fək əlyiat nggu na əni bah, bə na fik na.”

Ntəm Ayaatəm 2:36,37 “Mat ənia, ku myim nyin ániet Isirela, nyi lyen zám nang Yesu wuni nang nyi kpang də əteam əkhwu wu əni; Agwaza khai ngguu ə yet Atyoli məng Kristi, ətyu nang Agwaza kup gu tyok əni!” 37 Nang bə nfək ályiat Bitut na əni, nə sị kpaat ba mị nfwuo mba na. Bə sị fik nang bə mbwuo əbun, bə sị lyip Bitut məng ákum əyaatəm ka nyiə, “Ánənyiuk, yihwa zị na nyiə?”

Ibriniyawa 4:2 Zị kən fək Asham Nkhang ka tazwa fwung huni, awot á sị shei nzịt kaa mənang á ku nshei əyaatyiə əkhwop nyin ba əni. Awot nang bə nfək nkhang na əni, nə sị beang mba bah. Mat, bə ku lak nwuak əchuchuk də na. Bə sị lak mun əpyiə məng ániet bə ku khwi əlyiat Agwaza na əni.

Irımıya 24:7 - Matyu 22:37 Yesu sị nwuak gu shim nyiə, “Ku yet ta hwa a chat Agwaza, ə yet Atyoli ang wu əni, məng əmgbəm fwuo ang hu, məng əmgbəm swuan ang ji, məng əmgbəm lyen ang hu.”

Ntäm Ayaatäm 16:14 Abyiik ághyang mä ányiuk bã ku myiai afufwuo á fwuong ályiat nzit na əni, ku neet mä əkeang Tiyatara. A si ngyei gu Lidiya. A ku lyiai áshong ayaatoot bã byiä kurum bãt əni. A si bu yet átyu kwok ntong ázaghyi Agwaza. Agwaza si khwuk fwuo nggu hu. A si san ályiat Agwaza nang Bulut shei əni.

Matyu 13:14-16 “Si huni bai chachaat mäng kyang hu nang Ishaya átam ákwonu Agwaza wu ku lyiat əni nyiä, ‘Nyi na fwuong kyang hu nang n dyiat əni. Dä nyin, nyi si mïn mak lyen hu bah. Nyi na nwuan kyang hu nang n nyiä əni. Dä nyin, nyi si mïn mak fïk hu bah. 15 Mat nfwuo ániyet nani tysiä gbäpdok. Awot afufwuo mba ba si lak fwuong ályiat na. Awot bã si nyim ághyi mba ba. Mat ənia, ághyi mba ba si mïn nwuan ku bã fïk bah. Dä afufwuo mba ba, bã si mïn fwuong bah. Awot nfwuo mba na si mïn fïk kyang bah. Dä mba, bã si mïn bwuok á bai dä ávwuo nung n choot ba bah.’ 16 “Nyi yet ániyet alibärka bya, mat nyi nwuan mäng ághyi nyin ba, nyi si fïk; awot nyi si myiai afufwuo nyin ba, nyi si fwuong.

Ishaya 6:9,10 - Ntäm Ayaatäm 28:27 Mat ániyet bani, nfwuo mba na tysiä gbäpdok. Awot afufwuo mba ba si mïn fak ályiat bah. Awot bã si nyim ághyi mba ba. Mat ənia, ághyi mba ba si mïn di kyang bah. Awot dä afufwuo mba ba, bã si mïn fak ályiat bah. Awot dï nfwuo mba na, nã si mïn fïk kyang bah. Awot, dä mba, bã si mïn bwuok á bai dä ávwuo nung, dänian n ka nchoot mba bah.”

Märkut 4:11,12 A si nyiä mäng əmba əni, “Nyin bya á shim á tyai nyin əchuchuk ə shya dï niat tazwa Tyok Agwaza hu əni, nyi fïk. Awot ákum ániyet bã shya zan mäng ənyin əni; kuzang kyang á na tak mba hu dï kidee ja. 12 “Mat mänang Ályiat Agwaza na nhysiä əni, ‘Bã na nwuan, awot bã na li bah. Bã na fwuong, awot dä mba, bã na fïk bah. Kalak kã bã fïk kuzang nkyang, bã na ghwon əkatuk nyiä mba wu, bã khwi Agwaza, Agwaza á chi əkatuk nyiä mba wu.’”

Yoona 12:39,40 Huhwa si mbyiä nwuak fwuo hu si nkaat mbaa, mat Ishaya bu hyiä nyiä, 40 “Agwaza ku koot mba əfifan. A si bu tysiä nfwuo mba na si khwu. Kalak bã du li mäng ághyi mba ba, kalak bã du fïk ályiat nggu na mi nfwuo mba na. Kã ku li ənia, kalak bã du bwuok á bai dä ávwuo nung, n choot baa.”

ARomawa 11:7,8 Ani wa nang ályiat na ndi; ániyet Isirela mä ədidiit bã shya shok Agwaza ji nang bã tysiä ályia á chat əni bah. Awot əbadadei sot ániyet kya mä mba si shya, ási ba nang Agwaza khai əni. Awot ákum ániyet Isirela ka, Agwaza si tysiä mba gbäp əpyiä. 8 Mänang á ndyuut mä Ályiat Agwaza na əni, nyiä, “Agwaza tysiä bã si kai nda bubwut. Bäng bã tat əfwun, á si nyim mba ághyi ba, dänian bã ka nwai nwuan ávwuo. Awot á si nyim mba afufwuo ba, dänian bã ka nwai fwuong ávwuo.”

2 ATasoloni kawa 2:10,11 A na laai ániyet bã shya dïn vak əkhwu əni, dï kuzang tangkai əkatuk nvak, mat bã lak chat san ətsatsak ályiat wu, nang bã na nshya swuan sang sangbäp əni. 11 Mat ənia, Agwaza si tysiä á si laai mba bãt á mbeang, dänian bã ka nwuak əchuchuk dï əmgbäm bwoi əkalaa ənia.

Matyu 13:18-23 “Mäninika, nyi myiai afufwuo nyi fak kyang nang kidee tazwa átyu

nai zwá yak ji fa əni: 19 Gak hu nang zwá yak ji nkwaï əni, huhwa yet kidee nfwuo ániyet na bə fək əlyiat Tyok Agwaza na, əwot bə s̄i nwai fik na əni. Awot Atānyeang ka s̄i bai, kə s̄i təwap Alyiat Agwaza na nang á nai mi nfwuo mba na əni. Kə s̄i ghwon mbaa. 20 "Kukwak hu nang zwá yak ji nkwaï əni, huhwa yet kidee nfwuo ániyet bə fək Alyiat Agwaza na, bə s̄i kin san na məng əgwai də əkənyiung əni. 21 Awot nang Alyiat Agwaza na mbyiaq ániyan bə nwuo á nat gbang mi nfwuo mba na əni bah. Bə s̄i miñ dabeang mi khwi hu bah. Ki swuo əbung bə bai, ku á təshuk baa mat Alyiat Agwaza na, bə na bwuok lilyim ma anggang. 22 "Awot tyan səkan ji nang zwá yak ji nkwaï əni, jija yet kidee nfwuo ániyet bə san Alyiat Agwaza na. Awot afifa swanta wuni, shyuo kurum, məng nkyang njhyang s̄i nwuo mi nfwuo mba na. Nkyang nani s̄i feap Alyiat Agwaza na, nə s̄i tyia atan tswa bah. 23 "Awot ətsatsak əbyin wu ə byiaq bwum hu nang á nnai zwá yak ji əni, kikya yet kidee nfwuo ániyet bə fək Alyiat Agwaza na, bə s̄i san naa, bə s̄i nnyiaq ntäm, nə s̄i tyia tswá bət. Tswá jhyáng s̄i yet nswak t̄intat, jhyáng nswak ətataa, jhyáng s̄i yet chyi chyi."

2 Korontiyawa 3:15,16 Atsak əlyiat, ku əfwun, nang bə ni nfang doka nang Musa lyuut əni, ku li nang á ni nkup nfwuo mba na məng ətoot əwa. Awot də mba, bə ni fik əni bah. 16 Awot ki əyin bwuok ə s̄i nwuak fwuo di Yesu, ku li nang á khwuk ətoot əwa əni.

Hosiya 11:3-7 - Matyu 11:28-30 Awot Yesu s̄i nyiaq, "Nyin ániyet nyi veang məng pyiat əkpıdıdyık nkpat əni, nyi bai də əvwuo nung. Awot n na nwuak nyin fwung. 29 Nyi kyiak əbyirim khwi nung wu dundung məng ənun, əwot nyi myiam də əvwuo nung. Mat n gyet shonshyon mi fwuo. N s̄i ngyet ətyu ghyuai əpyia. Awot nyi na shya fwung mi nfwuo nyin na. 30 Mat əbyirim khwi nung wu swan kpəp di kpət bah. Awot kpət hu nang n kpət nyin əni, ku yet əhyohyoot wa."

Ntäm Ayaatäm 26:18 Nwan wa na tat ba əghyi ba, dənian bə ka ghwut mi ndyin, bə nat də əvwuo sai; əwot a tyia bə ghwut mi ntyok Atānyeang bə nwuo Tyok Agwaza hu. Ajawa Agwaza na chi əkətuk nyiaq mba wu. Awot bə na shya əvwuo nswat dundung məng ániyet bə yet ási Agwaza əni; bibya á khap á sak dənian bə ka nwuak fwuo də nung.'

2 Timoti 2:24-26 Akhwo Agwaza, ku myim gu ləu fwuon zok bah. Də əkwonu əkyia, ku yet ta hwa gu nyiaq shonshyon məng konyan; ə yet əgwak ətyu tyiet, ə byiaq shiyim fwuo məng ániyet bə tyei jhyə əni. 25 Ku myim əkhwo Agwaza gu yet ətyu ghyuai əpyia, gu tyiet ániyet bə nyiaq fip məng əchuchuk tyiet nggu wu əni. Shimba, Agwaza wu na nwuak ba jen bə ghwon əkətuk nyiaq mba wu, əwot bə shim nang tyiet hu ngyet əchuchuk. 26 Ajawa kə bə bwuok á bai məng ədīdam mba wu, bə na shya shot mbwak Atānyeang, ətyu ə təbat mba mə ətsintsat nggu wu. Mat ə s̄i kən tyia mba bə ka khwi vak nggu hu əni.

Tyai Azanson 3:17-19 Nyi nyiaq, 'Zi byiaq zwá! Zi byiaq kuzang kyang nang zi chat əni! Zi bu chat kyang bah!' Awot nyi fik nang nyi ngyet əbuk ániyet bah; kyang kunak, ániyet əfifan, məng ániyet chong kəgbang! 18 Mat ənia, n tyia nyin əlyiat; nyi san zinariya nang á fwu məng long əni də əvwuo nung, əwot nyi ka shya

atsatsak nzwá. Nyi bu san əsai əyaatoot də əvwuo nung, nyi nkup kəgbang nyin ji. Awot nyi bu san kan ághyi, nyi ntyią mi tswá ághyi nyin ji, mat nyi ka nwuan shansham! 19 N ni ntyiet, n bu gba ániyet ba nang n chat wa əni. Mat ənia, nyi kwan bət nyi ghwon əkətuk nyią nyin wu, nyi khwi Agwaza!

2 AKorontiyawa 7:10 Tangkai twei zwá ndyen nang Agwaza ni tyią zi twei əni, ku ni tyią zi ghwon əkətuk nyią nzit wu, awot zi bu shyə san. Mat ənia, zi si mİN byian fwuo di tangkai twei zwá dyen əhwa bah. Də əkwonu əkya, twei zwá dyen ətyubishyi də ku ni tyią ghwon əkətuk nyią á khwi Agwaza əni bah; ku ni bai mäng əkhwu ntswa ətyubishyi kya.

1 Agwam 18:37 - Agwaza turn heart back to Agwaza.

2 AKorontiyawa 4:4 Atənyeang ka kə yet əgwaza swanta wuni əni, ə tyią lyin mi nfwuo ániyet bə nwai nwuak əchuchuk wu əni. Bə si mİN di əsai əkyenkyai shi Asham Nkhang wu bah. Bə si lak fik əlyiat nani tazwa əkyenkyai shi Kristi, ətyu ə tai Agwaza mə chəchaat əni.

Luka 8:11-15 “Kyang hu nang kidee jini fa əni, huhwa yet; zwá yak jija yet əlyiat Agwaza na. 12 Gak hu nang zwá yak ji nkəwai əni, huhwa yet kidee nfwuo ániyet bə fək əlyiat Agwaza na əni. Awot Atənyeang ka si bai, kə si təwap Alyiat Agwaza na nang ə nai mi nfwuo mba na əni. Kalak bə du nwuak əchuchuk bə shyə san. 13 “Kukwak hu nang zwá yak ji nkəwai əni, huhwa yet kidee nfwuo ániyet bə fək Alyiat Agwaza na əni; bə si kin san naa mäng əgawai. Awot nang Alyiat Agwaza na mbyią əninan bə nwuo ə nat gbang mi nfwuo mba na əni bah; huhwa ki swuo əbung bə bai, ku ə yaşhuk baa, bə na bwuok lilyim ma ənggang. 14 “Awot tyan səkan ji nang zwá yak ji nkəwai əni, jija yet kidee nfwuo ániyet bə san Alyiat Agwaza na; awot əfifa swanta wuni, shyuo kurum, mäng nyinyang swanta, si feap baa. Awot bə yok laai, bə tyią atan tswá. 15 “Awot atsatsak əbyin wu ə byią bwum hu nang ə nnai zwá yak ji əni, kikya yet kidee nfwuo ániyet bə fək Alyiat Agwaza na mäng fwuo nyiung. Awot bə si sak na mi nfwuo mba na. Bə si bu neap nfwuo mba na. Bə si nnyią ntəm. Bə si tyią tswá gbəmgbam.”

Ntəm Ayaatəm 15:11 Awot, zi nwuak əchuchuk, əmgbəm nzit, mat shok Atyoli Yesu ja, nang zi nshyə swuan sang sangbəp ji; mənang Nnwap nə nwai yet Ayahudawa na nshyə əni!”

ARomawa 8:13 Mat ki nyi khwi kyang nang zəkwa əkətuk nyią nyin ji chat əni, nyi kai vak əkhwu hwa əhwa. Ma ənia wa, kə nyi shim Azəzərak Ntswa wu wa si nyią tyok də nyin, zəkwa əkətuk nyią nyin ji na kwi. Awot nyi na shyə swuan sang sangbəp.